

- Praesulibus sint haec, horumque fidelibus istaec.
Auri ter denas uni placuit dare libras
Inque capellanos quinquaginta tribuendas
Argenti libras, totidemque per officiales,
180 Inter scutiferos vilesque ministeriales
Viginti libras nummorum distribuendas.
Nec superexaltat lixas, quin hos quoque donet,
Inter eos denas dispergendas quoque libras
Det duodenorum tantundem cuivis eorum.
185 Post ducibus galeas, loricas donet et enses,
Auratas parmas, lituos ad bella canoros,
Inque suos libras sexaginta tribuendas.
Et post praesidibus det equos faleris redimitos,
Atque suis denas cunclis libras tribuendas.
190 Postremo cunctis abbatibus his duodenis
S. . det moramen spondendo suum famulamen,
Illorum cuivis confratribus hosque secutis,
Libras triginta, puerorum cuivis et unam.
Mittat et ad claustra monachis libras decapenta.
195 Regis simnistis aliisque fidelibus ejus,
Ejus servitio qui sunt in cottidiano,
Qui veluti glandes semper flant regis ad aures,
Et pro mercedis succurrunt pondere cuivis,
Bona dat eximia census ad mille talenta.
200 Inter quos illum venatorem peregrinum
Munerat uberius, sic collegam facit ejus,
Missi qui fuerant ad se pacemque patrabant.
Munera, dum vidit ea rex multumque probavit,
Dixit ad aequivocum: 'tua munera sunt bona multum
205 Ne tamen a nobis tantum donando graveris,
Pro donis votum decernimus accipendum.
Tam bene ludentes ursos hos tollo gemellos,
Atque meae natae picam sturnumque do de te,
Et grates habeas tantas, ceu cuncta dedisses.

10 *